

Хургт белдвр кегдджәнә

КПСС-н Хальмг таньгъчин комитетин бюро март сарин нег шинд Элст балгъснд хальмг күүкд улсин хург кех шиидвр авб. Эн хургт 250 хальмг болн талдан келн-әмгнә 100 күүкд улс орлцхмн.

Шидрхн КПСС-н таньгъчин комитет райстин комитетсин сегләтрмүчин совещань кев. Тер совещаньд күүкд улсин хургт кеджїх белдврин тускар тбр тәвдж күүндгдв.

Сарпинск районд болх күүкд улсин хургт 150 күүкд улс цуглрхмн. Эн района селәнә эл-ахуд 297 хальмг күүкд улс шунмгъа кевір кәдлджәнә. Тер тоод 64 саальч, 60 хәбчнр болн арбичкс, талин кәдлмшт 200 шаху хальмг күүкд улс кәдлдж йовна. „Гигант“ колхозд тӯрун нӯурт йовх саальчирин тоод Манджиева Александра, сән тугълч болдж Цыбекова Александра йовна. Хәбчнр дунд баахн 16 наста хальмг күүкн Харцхаева Галя, Арнушкаева Нина кәдлджәцхәнә.

Эдү мегәр кәдлдж йовх хальмг күүкд улс наадк райо-лар чигн бәәнә. Черноземельск района Артезиан станцин дөр-вигч околоткд кәдлмшч болдж баахн хальмг күүкн Санджиева Антонина кәдлнә. Кәдлмшчнр дунд хамгин сән кәдләч болдж тоолгдна, бдрә зур-гъан 125 процент кӯрглж кӯ-цәнә. Эдү мет диилвр тәмр хаалгъин кәдлмшчнр Цомаева Бова болн Шардаева бәрихәв. Эн райоча промкомбинатд кә-длдж йовх күүкд улсас хуви ишкәч Мукебенова Деляш бо-лн уяч Минкеева Тоня бдрә зурагъан давулдж кӯцәцхәнә.

Каспийск района загъсна комбинатин консервн цехд загъс чавчдгт кәдлджәх Бад-маева Булгън сән кәдлмшчн-рин тоод бәәнә. Яшалтинск района „Новый мир“ колхозин саальч болдж Мукукенова Е. кәдлнә. Эн саальч январин хәрн бдрг бийдән даалгъсн укрмудәс 1000 улү литр ус саадж авб.

Элст балгъсна тосхлгд болн предприятисәр 590 хальмг күүкд улс кәдлджәнә. Эдн дунд баахн наста штукатур, маляр, беш болн чолу тәвдг хальмг күүкд дала. Эврәнн медрлән, дамшлтан энъкр Элст балгъсна тосхлгд әрүн

кевір бгч кәдлцхәнә. 2-ч тос-хлгин управленьд хальмг күүкд дунд чолу тәвдгәр тав-дгч разрядар Гаряева Мария кәдлнә, бдрә даалгъвран 170 процент кӯргдж кӯцәнә.

Нидн хавр Элст балгъсна тосхлгд кәдлхәр ирсн багъ-чуд дунд Даванова Поля ир-смн. Поля күүкн урднь шту-катурн кергиг сәәнәр дасад, медрлгә, дамшлгга кәдләч болсмн. Тегәд чигн 2-ч тосх-лгин управлень Даванова По-ляг штукатурщикүдин инст-руктор кедж тәвсмн. Штука-турн кергиг үр Даванова кесг әмтнд дасхв.

Яшкульск района „Лиман-ный“ совхозин ах хәбчнр дунд хальмг күүкд улс чигн кәдлнә. Сән кәдлмшин үзмлж үзүлдж, хәбдән сән чинәтәгъяр, нег чигн гару угагъяр үвлзүлджәх хәбнә кошин негнә—ах хәбч Кичикова Шуран хош болна. Сән кевәр кәдлджәх тәләднә „Лиманный“ совхозин кәдлм-шчнр нег дуугъяр ах хәбч Кичикова Шураг СССР-н Деел Советин Келн-әмгнә Советин депутатрин кандидатд темдг-лв.

Болв күүкд улсин хургт белдвр сулар кегдджәнә гидж келгдхмн. Элст балгъсна пред-приягъсәр болн учрежденьсәр Хальмг таньгъчин күүкд ул-син хург болхиг зәрмснъ ме-дхш. КПСС-н Элст балгъсна комитет Хальмг таньгъчин ху-ргар соньсджах бәәдл уга. Тер юнъгад гихлә, балгъснд урд цагт кәдлджәсн күүкд улсинг цуглулдж, теднлә күү-ндвр кеджәхмн уга. Элст бал-гъснд Советин йосна тӯрун джилмүдт хальмг күүкд улс дунд кәдлдж йовсн кесг күү-кд улс бәәнә. Эднә кәдлмшин үлгүриг болн дамшлтиг, тӯрун теднә хаалгъиг, баахн бичкн күүкдт келдж бгхлә бәс со-нын болх бәәсмн. Зуг эдниг олзлж, теднә кӯчн-чидлиг хургин белдврг орлцхулх керг-тә.

Хальмг таньгъчин күүкд улсин хургин белдврт бәәх дуту-дундиг бдрхн цагин эрг-цд уга кех—партийн органи-зацсин эркн тәрнъ болджана.

Элст балгъснд болх күүкд улсин хургиг производственн диилврәр тосхин кергт цуг күүкд улс шундж кәдлх эбз-тә.

А. ДОРЖИНА.